

小
草
齋
集

小草齋集卷之十九

陳留謝肇淛著

友人孫昌裔校

七言律詩二

夜遊玉磬山

玉磬山前夜氣涼，白雲橋上月如霜。
殘虹收雨歸僧院，宿鳥啼烟近女牆。
四月野花皆欲語，千年石字不成行。
吏情轉覺青山遠，魂夢時能到故鄉。

范將軍招遊西湖

綸巾竹杖臨風前魚趁荷花鷗獨眠十里青山
兩峰月幾行堤柳六橋烟菰蒲夾岸望不了簫
鼓中流春可憐海上近傳烽燧息將軍且泛五
湖船

送烏程袁尹赴虞部

碧浪湖邊柳滿船一枝聊贈使君鞭幾年作吏
花爲縣萬里歸朝鳥是仙粉署舊傳虞部選漢
家新鑄水衡錢看君疏草承明上民力東南絕

可憐

九日登峴山懷往歲石鼓之遊寄振狂興

公

秋到關河葉盡飛
它鄉此日倍沾衣
白雪幾片家何許
黃菊滿籬人已非
夕靄望中征鴈沒
浪花深處暮颿歸
可憐佳節不成醉
空對青山愁落暉

雨中登道場山

繫棹堤邊楊柳枝
寒雲不斷雨如絲
雲中苔徑

行時破雨裏青山看更奇
水落平湖帆影近秋
高遠塞鴈聲遲步虛直上三千尺
一曲瑤笙倚檻吹

至日

蕪城城頭陽已動
浮玉山前梅可憐
黃茅從事非吾意
青草春風空復年
蹤跡東西自萍梗
乾坤南北多烽烟
一官牢落竟何有
恰得囊中沽酒錢

白蘋洲夜泊懷鄭翰卿

霜落蒹葭十里秋西風吹冷白蘋洲金光一道
湖邊月玉笛數聲山外樓南國懷人成遠夢東
山生事有孤舟風塵日日悲遊子羞對磯頭雙
白鷗

贈黃文學

客食長安秋已分歸來劒氣動星文讀殘東觀
三千史袖得西山一片雲玄草共嘲楊執戟黃
庭應失右將軍它年鴈宕還攜汝題破蒼苔十
里紋

題禱李烟雨樓

一片澄江淨如練
令人對此思孤騫
濤聲夜送千峰雨
樹色寒飛百道烟
野氣遙涵歸鴈陣
蘆花初出釣魚船
霸圖王氣東南盡
四壁猿啼落日邊

題東嵐秋思卷二首

有引

余先世居海上之東嵐
以避倭遷馬江之南
至余七世矣
祖得圭氏有東嵐秋思卷
思先人也

八百峰頭碧海西，秋風禾黍舊蒸藜。
于今夾岸開亭郭，可是當年厭鼓鼙。
華表鶴歸人不見，王孫草綠鳥空啼。
桑田斥鹵尋常事，莫向青山怨馬蹄。

衰柳寒烟秋黯然，故家遙在海雲邊。
嵐光含雨歸空墅，蜃氣隨潮送客船。
人世蕭條成往事，松楸遠近自流年。
而今便欲乘槎去，回首滄江又可憐。

登愛山臺

橫塘十里柳花開一片孤城列岫迴作吏幾人
能載酒愛山無日不登臺江頭晴色虹橋斷樹
裏濤聲碧浪來欲向殘碑尋故事千家燈火暝
鐘催

清明重過王村禪寺

殊方佳節強登臺又見僧房花木開啼鳥不知
春欲去白雲還喜客重來山含殘日明禪榻竹
颺遊絲入酒杯雙屐莫愁歸路晚半林殘月上
蒼苔

錢唐懷古

嚴城遙控大江流江上寒雲雨未收過客登樓
聞海嘯舟人移纜避潮頭西湖歌舞春長在南
渡山河樹已秋惟有飛來峰頂月當年曾照翠
華遊

聞惟和北遊寄之

夢君兄弟芋江頭萬事驚心一葉秋雞骨不支
多病後馬頭又作隔年遊白雲幾處勞回首綠
玉何人共倚樓若問吳興近消息五湖東畔有

扁舟

松江舟中

秋城隕霜彫碧梧遠天淨水明平蕪長年換柁
浪出沒客子狂歌愁有無隔水人家放鵝鴨西
風短岸吹菰蘆勞勞行役不稱意日夕看雲空
故都

舟過南潯飲董大宗伯宅

綠野堂開列岫迴長林風起鴈聲哀天邊落木
微微下江上浮雲隱隱來野人自有東山屐地

主應空北海杯滌倒不堪論出處干戈未定鬢
毛催

十月吳江舟中晚望

年年改歲長爲客無柰愁心付酒缸寒鴈背風
歸越渚孤帆帶雨下吳江黃知霜後柑三寸白
起沙邊鷺一雙日落洞庭天似水青山無數入
雲窻

飲黃白仲娑羅館留贈

蠟屐相逢歲欲闌新詩題遍碧琅玕一尊白墮

花前賞四壁青山枕上看鴈帶斷雲歸洞晚風
吹殘雪拍窓寒知君閉戶脩靈藥爲問金爐幾
轉丹

甲午除夜自檣李歸省

爐紅酒綠劇爲歡莫問人間行路難萬里客心
悲戍角一年殘夜試辛盤風塵暗逐年光轉霜
鬢難禁春色寒最是燈前兒女在不妨雙袖舞
斑斕

送王玉生遊吳

馬度春溪孤月明一聲殘笛客心驚江村雨過
桃花淨野店風多麥穗鳴歸夢遙隨閩海鴈離
人愁上闔閭城霸圖王氣都休問但向蘇門寄
此生

登鹽官秦逕山

獨倚孤峰望野烟海風吹浪欲浮天早秋角動
軍城戍落日潮生估客船霸業東南猶越土殘
碑甲子自秦年傷心千載興亡地晴鳥寒猿夕
嶂邊

送程彥之遊塞上

擊筑休歌行路難壯心直爲斬樓蘭
風吹紫塞草欲盡馬蹴黃河水未殘
楊柳笛中秋鴈斷芙蓉匣裏夜霜寒
功成露布鞍前草應在祁連絕頂看

病中書

伏枕悠悠突未烟漫將身世付桑田
春光半入黃梅雨月俸都爲買藥錢
遼左捷書何日到浙西逋稅幾時蠲
花前杜宇聲聲急歸掃山中屋

數椽

舟中病陳叅軍以詩來問

朝聞鴻鴈斷南羣人事蕭條日易曛
病裏琴書長是罷秋來風雨不堪聞
荒陂兩岸生黃葉遠浦孤帆帶白雲
憐汝題詩到天末未應鮑氏有叅軍

壽同安李令尊人六十

曾跨青牛下九垓姓名久已在丹臺
庚申壇上經三守甲子人間又一迴
白髮不隨秋菊晚斑

衣遙帶海雲來爲君典盡烏程酒更借平湖作
壽杯

病中逢鄉人

獨樹當窓蟬亂悲江城五月落花時兵戈何日
旄頭落衰病經年帶孔移新笋雨中纖似手遠
山夕後黛如眉無端驛路逢鄉信一夜歸心憶
荔枝

雨

五月六月雨不止蒼溪雪溪流乍添新苗已飽

魚鼈腹老樹半濕蛟龍鬚
夜夜枹鼓起窮巷家
家機杼愁新縑閉門高枕不料事葛巾對酒師
陶潛

秋夜

一夜秋風逐鴈回
驚聞數葉下蒼苔
胡笳戍角悲相語
月色江聲晚自催
西鄙戰塵新鬼哭
東方征騎羽書來
乾坤未定頭垂白
且覆花前濁酒杯

七夕有松陵之行寄內

月照明河露下遲共傳牛女度佳期如何天上
相逢日正是人間乍別時鵲駕也應憐隔歲馬
蹄空復怨臨岐盈盈一水遙相望腸斷松陵楊
柳枝

乙未初度感懷二首

蚤歲空懷薜荔衣老來未息漢陰機出山小草
已如此流水浮萍多是非故國東南消息斷乾
坤西北風塵微無情芳杜年年綠惆悵王孫歸
未歸

幾年作吏病長侵每向滄洲歎陸沉
莖露難消司馬渴尊鱸誰識季鷹心
烽烟關塞愁中滿華髮流年鏡裏深
回首半生真過隙不堪落日聽秋砧

夜坐

白蘋洲畔日初昏黃蘗山前片月痕
露冷蒹葭何處鴈風傳砧杵幾家村
三年旅食供多病萬里秋聲吹斷魂
習靜已無車馬跡不須重署翟公門

贈鄧汝高民部

漢節翩翩出建章故人天上度支郎虎符搜盡
江南粟雞舌含來署裏香草綠三關過錦里潮
高八月度錢唐相逢先問青山事玉女峰頭字
幾行

寄贈車子仁太守

文采風流玉筍班坐分虎竹出閩關已將公事
湖中了卽有明珠海外還江閣花深開畫舫郡
庭吏散見青山越王臺上行春日五馬翩翩度

百蠻

送陶別駕歸楚

酒滿離亭片月虛
臨岐欲別更踟躕
由來世路堪投杼
何處王門可曳裾
去棹遙隨湘浦鴈
歸心轉憶武昌魚
故園松菊應無恙
好向青山賦遂初

哭張函一廣文

長安春日紫烟消
客裏談詩破寂寥
擊筑曾聯燕市馬
看花共典酒家貂
三年蹤跡悲萍梗
一

旦功名付鹿蕉歌罷招魂人已遠蕭蕭風雨玉
河橋

同汝高登道場山

搖落秋風江上亭醉攜雙屐度蒼冥雲封野寺
僧初定露滴寒松鶴未醒天外湖光當檻白杯
中峰影隔簾青歸來一片苕溪月處處漁歌倚
棹聽

過歸雲庵吊孫太初

路入歸雲一徑幽青山落日滿松楸老僧廢寺

瓢猶挂詞客荒墳草自秋九月空林聞蟋蟀百
年殘碣上蝸牛共將杯酒澆千古腸斷茗江天
際流

十月

時有播師又倭
假道於浙入貢

蕭蕭落木送高秋鴻鴈聲悲獨倚樓砧杵千家
寒轉急風烟十月暮生愁東方楷矢經吳地南
國旌旗向益州三尺青萍猶未試漫將華髮付
滄洲

喜徐興公來訪

抱病五日頭未梳故人千里來問余孤筇已挂
幔亭月釣竿還指茗溪魚老妻愛客作雞黍稚
子雪案開圖書酒酣却訊鄉園事亂後米價今
何如

冬日同徐興公顧長卿世卿登峴山

鴻鴈孤飛人倚欄湖光峰影掌中看浪花風起
兼天碧山葉霜深滿地丹酒注窪罇拚客醉月
生車蓋照人寒相逢蹤跡渾難定一曲悲歌髮
指冠

輪臺

已說播酋來請罪更聞關白受侯封
君王不愛瑠璃庫使者新收大宛筇
幾載牙籌愁歲計萬方金甲泣春農
輪臺今日應頒詔莫令甘泉再舉烽

白仲興公見過

江城秋盡暮烟微二仲何來款竹扉
長夜頻添桑落酒輕寒初上薜蘿衣
虛亭過雨苔仍合獨樹驚霜葉盡飛
塵土相看俱是客不堪更送塞

鴻歸

贈顧道行先生

十載歸來始二毛
園依綠水聽秋濤
閒將白眼看蝸角
醉對青山擘蟹螯
投老久拋朱墨綬
新詞初按鬱輪袍
苕溪如帶通吳地
望斷松陵玉樹高

送興公之姑蘇

江抱孤城舊闔閭
片帆東去雪花初
吳宮草色秋堪吊
茂苑砧聲歲欲除
瘦馬飲殘支遁澗
夜

烏啼近館娃居知君何處增惆悵落日寒潮泣
子胥

康元龍自寧夏歸談邊事二首

憐君匹馬戰場間風雪凋傷壯士顏漢地鼓鼙
通上郡秦城烽火近榆關防秋諸將皆承寵平
夏三軍尚未還莫向尊前談往事傷心最是賀
蘭山

沙場一望四時秋謾說前朝十六州磧北殘兵
俱作鬼山西老將未封侯雪深胡馬窺關口月

暗秦笳怨隴頭知爾棄繻多慷慨燈前含笑贈
吳鉤

汝高招遊毗山同玉生興公賦

滿地金風吹夕曛客來驚起鹿麕羣松濤飛自
千峰落野氣遙從一水分獨鶴啼殘蒼弁月遠
帆歸帶洞庭雲天涯幸有同心侶尊酒何妨盡
日醺

送興公還家

楓落空江生凍烟西風羸馬不勝鞭水消浙水

知家近春到閩山在客先斜日鴈邊看故國孤
帆雪裏過殘年憐予久負寒鷗約魂夢從君碧
海天

丙申元日

東風一夜動庭柯雪水冰消生綠波客路風塵
還昨日高堂雙鬢近如何盤傳青菜逢人少門
掩蒼苔見雨多三千年來駒過隙可憐無計一
回戈

錢唐逢鄭翰卿

壯士相悲不問年青袍白馬紫絲鞭一身作客
長看月五度逢春半在邊細雨垂楊淮口渡平
蕪芳草薊門烟更聞西北風塵滿醉把吳鉤笑
倚天

同翰卿白仲遊淨慈寺

春色湖光散大堤鶯聲初上綠楊枝水邊尋寺
雲深處樓上看山雪盡時梅影半侵禪榻冷曇
花細落講壇遲天涯孤客成何事欲借珠林一
鶴騎

早春對雪寄葉進卿太史

道場山下暮潮平，無數江梅刺眼明。
水氣近城寒不散，雪花帶雨濕難成。
雲連京國孤臣泪，草綠西吳萬里情。
世路悠悠君莫問，夷門今已老侯生。

遼陽

遼陽消息近如何，戰骨無收復議和。
祇見大庭初遣使，旋聞瀕海罷防倭。
瑤林內庫開應少，畫省孤臣謫已多。
獨有杞人憂不寐，側身天地欲

狂歌

春興二首

日落柴扉啼晚鶯
暖風吹雨過江城
三春楊柳
豈心事滿地
薜蘿非世情
越客南冠長卧病
胡塵北望尚橫行
故園弟妹音書絕
愁聽終宵鴻鴈聲

柔風吹雲雲不飛
退食閉門花事微
蒼溪草堂
白日暮故園
梅柳青春非
普天有吏索金帛
四海何人解鐵衣
八騶七尺豈予志
塞鴻社燕行

當歸

哭顧道行先生三首

早向閩山賦采薇十年長揜白雲扉玉樓天上
名還在金谷園中事已非繁雪春添慈母鬢芳
苔夜上使臣衣盈盈一水西州路汨灑吳江舊
釣磯

薤露難招壯士魂身隨箕尾別吳門匣餘紫氣
雙龍劍家有青山數畝園夜雨長鯨歸震澤秋
風吊客散平原由來國士恩難報欲挂吳鉤未

敢言

玉樹朝霞春可憐
談詩已嬾學逃禪
老歸白社長耽酒
貧買青山不受錢
高里歌殘人已遠
梨園樂散譜空傳
定知紫氣西行後
留得真言字五千

錢唐逢胡元瑞賦贈

一着青衫二十年
浪遊祇有杖頭錢
客來花下頻浮白
雲滿柴門獨草玄
羅剎江寒濤似雪
蘭陵春暖酒如泉
與君共蠟平生夜
踏破吳山十

里烟

郡齋閒居陳伯孺見過

翟門久已罷逢迎
日日花間醉未醒
芳草乍驚騎馬客
使君閒讀種魚經
雲開曙色來蒼井
水落晴湖見洞庭
山杏初紅春酒綠
今宵眼爲故人青

登慈雲嶺

玉削芙蓉翠插屏
春風吹遍柳條青
孤雲半逐濤聲落
殘日時兼雨氣腥
怪石當林疑虎伏
枯

松映水作龍形自慙京洛風塵久夢繞烟波湖
上亭

夏日陪郡寮登黃龍洞望太湖至夜歸卽
席作

斗酒過從日未曛嵐光水氣晝氤氲何來帆影
空中失不盡濤聲樹杪聞洞口龍飛三伏雨尊
前風落五湖雲歸來倚棹看殘月清漏何須報
夜分

寄曾人倩

折柳都門五見春天涯相問各風塵驚心燕市
歌誰和回首龍江迹已陳嶺表梅花虛驛使湖
邊菱芡屬孤臣長安西北浮雲遠誰念憂天有
杞人

病

門掩孤城對夕嵐繩牀襪被一瞿曇愁聞胡馬
關山北夢逐江鴻瘴海南腰計月消難束帶鬢
經秋短不勝簪年來叔夜無人問衰懶真成七
不堪

題林純卿孤山精舍

挂冠日日醉紅裙爲愛孤山麋鹿羣
半洞楊容寒鶴宿小樓月與道人分
階飛秋葉蕭蕭雨窓落晴湖片片雲
焚罷名香無剝啄采蓮一曲隔花聞

秋日偕陸履素轉運鄭翰卿山人登北高峰四首

絕壑悲風吹白袍清秋落日正蕭騷
接天水色西湖小拔地山形北極高
嵐氣夜飛天竺雨寒

空晴見海門，濤忽驚雲際。衣裳冷，鮮得金魚與
濁醪。

峰盤路折轉，嶙峋坐覺虛。無物外，身上界有門。
通碧落下方，無地不黃塵。天邊江樹當潮近，雲
裏僧寮與鶴隣。呼吸想應聞帝座，獨慙詩句不
驚人。

咫尺星辰勢可呼，千城萬竈錦饌餉。江聲遠近
全吞越王氣，東南半入吳絕島。寒生征鴈急，一
天秋淨片雲孤。步虛直上青鸞背，笑採蓬山幾

樹珠

空門一入息諸緣
况復憑虛思窅然
棲壁霞光千嶂曙
抱城水氣萬家烟
塔經野火無僧住
草合荒臺有鹿眠
盡日賞心看未足
不須留却買山錢

天竺寺

鳴雨乍過孤峰晴
六橋明滅澄湖平
山路十里惟竹色
僧房盡日聞溪聲
齋鐘初罷曉鳥落
爐烟不動秋雲生
野猿聽法作人語
日夕相隨歸

化城

閏八月望日偕汝高伯孺署中觀月二首

碧天如水靜無雲
此夕清光猶爲君
星聚祗緣雙劍合
月明賸得兩秋分
霓裳影散當空見
金闕香生下界聞
白苧歌殘霜露冷
寒宵桂子落紛紛

露華松影滿柴軒
坐對明河卧竹根
真有冰壺堪濯魄
何來玉笛更銷魂
清砧入夜生村墅
獨鴈凌寒向海門
萍梗相憐拚一醉
忽驚曙色上

秋原

送鄧汝高還朝一首

飛霜落木滿江沙，萬里寒生漢使楂。
驛路花稀惟有菊，代期秋盡已無瓜。
燕城鴈影隨殘照，薊野砧聲帶暮笳。
自笑周南尚留滯，送君腸斷憶京華。

泪灑西風百尺臺，傷心且復罷銜杯。
荒田已逐陽侯盡，搜粟還聞使者來。
千里灌輸車馬困，十年逋負繭絲催。
君土若問東南事，昔日繁華

幾劫灰

九日偕鄭翰卿震卿陳伯孺錢象先登南

高峰二首

霧散風高萬木凋客愁且向酒杯消天迴南紀
千峰盡地圻東甌一水遙僧踏暮雲歸遠寺鴈
銜秋色入層霄怪來下界塵如海便欲吹笙逐
子喬

三秋嵐氣散溟濛萬里風烟見塞鴻塔影斜懸
星漢外鐘聲遙落海門東猿啼疊嶂寒雲斷日

小意齋集 卷一
照孤城野戍空醉去踏歌歸路晚滿林霜葉馬
蹄紅

贈錢象先

少年作賦早知名共道狂如禰正平寡和我猶
慙下里偏師君已得長城虎丘月落江聲暗鷺
嶺秋生木葉鳴借得西湖堪避世扁舟時載六
橋鶯

秋日屠緯真黃白仲鄭翰卿震卿見過吳

山署中時屠黃二君持齋

芙蓉花盡鴈初還客裏相逢暫解顏滿座詞人
皆楚調一尊秋色對吳山高談只合長堅壘佞
佛何須學閉關欲向滄洲結同社白雲深處弄
潺湲

送查別駕輓粟之金陵

微霜一夜動江梅別酒陽關數疊催千里泛舟
搜粟使六朝遺事雨花臺秦淮月落啼鳥盡米
石江空候鴈哀我欲憑君聊借問烏衣燕子幾
時迴

丁酉迎春

榆火新烟滿近郊
家家綵勝薦春醪
寒雲半逐歌梅落
殘雪時添舞樹高
柳陌初迎青玉輅
梨園齊唱鬱輪袍
天涯尚有思歸客
獨向東風感二毛

早春感懷

鵲啼華門朝霰霏
寒城吹角春日微
新樹舊樹爭開發
晴雲雨雲相逐飛
東土豺狼聲鼓急
南來鴻鴈音書稀
五年去國衰疾甚
長安天遠愁

依依

夢歸

山窗烟煖杏花肥
又見雕梁燕子飛
二月菰城春事盡
十年京國故人稀
雨中謝豹聲聲急
枕上莊生栩栩歸
千里高堂雙白髮
看雲汨滿菱荷衣

送吳翁升之金陵二首

河梁日落布颿開
水國新年燕未回
詞客早傳鸚鵡賦
春風先到鳳凰臺
隋宮雪盡生芳草
吳

苑寒消見落梅回首故都凋敝甚登樓王粲不
須哀

二月扁舟觸斷冰少年彩筆劍光凝南朝古寺
尋僧入北固春山帶雪登蘆荻愁雲吳故壘松
楸夜雨晉諸陵它時懷古還相憶目斷長江如
練澄

東山

東山一別釣魚磯回首長安意已違時事堪同
漆室嘯世情未息漢陰機江南使者探金穴遼

左孤軍鮮鐵衣正是 君王垂拱日年來漸覺
諫書稀

飲傅金吾別業二首

竹外高樓接絳霞春風開遍野棠花將軍不愛
黃金埒稚子能調白鼻駒湖上羣山當郭遠橋
邊流水繞牆斜醉來處處迷歸路知是桃源第
幾家

繫馬垂楊倒接籬風流全勝習家池龍孫欲拆
春雷後魚子初生夜雨時啼鳥似呼歸去好落

花應笑客來遲紅塵白髮空憐我欲向青山賦
采芝

陳汝翔見過

伏枕春深賦索居故人踪跡日應踈十年閩海
書無鴈三月茗江食有魚酒熟爲巾堪問字山
開蒼弁待藏書怪來紫氣朝朝見可是青牛薄
板車

初夏鄭性之見過

背郭澄湖起夕陰草堂閒對弁山岑郡當蠶禁

長休沐人向雞盟問陸沉梅子欲黃春事盡苔
花乍綠雨痕深悲歌一曲看長劍知爾悠悠行
路心

道場山訪僧不值

春盡烟消紫翠重上方晝掩不聞鐘窓臨雪浪
三千頃僧在寒壺第幾峰古寺香風吹簷蔔亂
山晴色散芙蓉斜陽宿鳥催歸去愁對西巖一
院松

送鄭初歸閩

斗酒城陰乍別離相看衰鬢各如絲十年更向
公車召一劔誰當國士知雲滿杉關征馬困風
高黯淡片帆遲棄繻莫笑終軍事况是胡沙未
靖時

吳山晚望寄屠緯真

一片秋山帶晚霞六陵宮樹半棲鴉風傳暮柝
三千戍月照寒砧十萬家野寺佛燈燃貝葉隔
江漁火隱蘆花相思已負東籬約空向清尊惜
歲華

秋夜碧浪湖懷鄧汝高時汝高有嶺南之

行

西風把袂又瓜期紅葉青山憶別離千里月華
人去後半江秋色鴈來時交河野曠飛霜早雪
水寒輕落木遲此日風烟各行役領猿啼鳥費
相思

題朱君永侍御清音閣

折檻當年志未酬漫將華髮付菟裘柳塘潮上
月侵閣山寺雲來雨近樓芳草綠遮騎馬路落

花紅滿釣魚舟匣中未試雙龍劍夜夜寒光傍
斗牛

戊戌元日舟中

年來書劍兩無成華髮青陽幾度更春色不隨
人共老世情還逐歲俱生烟迷柳陌紅粧隊風
度梨園白苧聲畏路征人倍惆悵不堪重見下
燕城

題姚伯道臨雲閣

高閣層欄俯碧霄春郊梅柳發寒條尊開北海

星初聚門對西山雪未消四坐管絃喧子夜半
牀書畫辨前朝定知客散雲深處未許塵蹤挂
一瓢

得報從治留別同志

二月風波一葉舟翟門客散暮雲愁孤臣五載
薪猶積慈母三言杼已投關塞風烟連鳳闕故
園生事賸貂裘可憐去住渾無計泪盡若江日
夜流

作吏年來鬢已絲扁舟暫許逐鷗夷蛾眉自古

憎偏急雞肋于今棄已遲竹閣梁空歸燕後草
堂人去落花時君看海岸投簪者悔作當年遊
俠兒

戊戌仲春望後五日發吳興

橐有圖書酒滿缸不妨流落向他邦家無負郭
難浮海病爲觀濤強渡江鴉噪暮雲歸郡閣鴈
啼寒月近船窓鹿門已遂攜家願若問前身是
姓龐

過顧道行先生居并東長卿世卿

拊罷龍泉泣當歌向來華屋邈山河園猶子建
生前置路是羊曇醉後過魯國及門人已盡廣
陵遺散世無多白眉幸有名駒在玉樹森森照
薜蘿

登支硎山謁大士像

春風無處不香塵弱柳柔絲一度新石是支郎
元住室龕餘大士未焚身踏青馬上多游女浮
白山中少主人惟有碧琳泉畔月故分清影照
歸津

清明日同王百穀潘景升遊虎丘

天涯令節不勝哀，幸有同心共酒杯。
世態幻如聽法石，逐臣寒比舊爐灰。
行歌游子看花去，半醉佳人闔草回。
歸路莫愁新月盡，滿城燈火照蘇臺。

上巳日雨中過寒山寺

鶯聲柳色滿吳關，斗酒相攜破客顏。
地借平江爲曲水，雨催孤棹到寒山。
隔溪漁火青楓外，半榻僧房亂竹間。
欲弔遺蹤何處是，閒雲空逐夜

鐘還

寄吳翁晉

松陵春水送歸舟，別後相思兩地秋。
暗路自應疑白壁，世情祇合信滄洲。
山中高士終魚服，江北孤臣老鹿裘。
揚子津頭楊柳綠，不堪頻上仲宣樓。

小草齋集卷之十九

終

小草齋集卷之二十

陳留謝肇淛著

友人鄭邦祥校

七言律詩三

題五湖漁長卷

家住青蒲碧浪間
五湖烟水正潺潺
歌邀蘆荻洲前月
夢入桃花洞裏山
雨後風腥春網合
城頭星落曉槎還
憑君爲問玄真子
今在丹臺第幾班

送陳振狂之淮陰

失路相攜萬事違，天涯何意未同歸。
門如翟尉交猶在，米乞胡奴計已非。
淮水孤帆春樹合，蕪城三月暮花飛。
如今漂母誰相問，惆悵王孫尚布衣。

石灰山弘濟寺

潮生日落暮鐘聞，峰畔禪林控水濱。
二月楊花孤寺雪，一天帆影半江雲。
山灰知是何年劫，石篆猶傳往代文。
惟有空門無滅度，寶壇香火自

氤氲

雨花臺因過高座禪寺

一坏黃土講臺前，猶憶高僧說法年。
滿地花飛疑作雨，平原草色盡棲烟。
蔣侯山近斜圍郭，楊子江遙淨接天。
便欲皈依來白社，浮生無計覓逃禪。

木末亭

樂游苑外柳初花，白馬城西日欲斜。
亭共孤峰當木末，人隨芳草遶天涯。
空中梵籟傳諸寺，壑

底炊烟起萬家極目蕭條思無賴鍾陵宮樹半
棲鴉

陪司寇從祖雨花臺晚眺

若爲流落客吳關極目平臺翠靄間遠水波搖
疑浴日晚城烟起忽沉山半鉤月向秦淮出一
葉舟從蜀渡還欲佩紫囊陪履齒不知心地幾
時閒

送鄧德咸刺沔陽

使君分竹石城頭官舍臨堤沔水流衡岳瘴雲

常作雨洞庭木葉不堪秋春深出郭花迎馬日
落收衙山滿樓爲問新詩今幾許由來郢客曲

難酬

感懷

披裘五月滯江干贏得青山對鶻冠北海尊同
狂客盡南樓月共小姬看城頭雲色來朝霽柳
外蟬聲送晚寒却笑枯枝今已爨豈堪山水向
人彈

贈李季宣二首

才名一日滿江關，俠氣翩翩不可攀。
易水風寒驅馬去，廣陵潮上挾姬還。
門臨蓮渚漁歌近，雨過松門鶴夢閒。
回首乾坤多事後，相逢且莫厭青山。

流落江潭老逐臣，逢君意氣倍相親。
早知名下無虛士，翻喜天涯有故人。
竹徑雲霞孤鶴共，柴門風雨老僧鄰。
可憐伏櫪心千里，腸斷東方起戰塵。

送吳元翰還武夷

薄游已倦缺休彈方信人間行路難作客貧來
雙白眼看雲歸去一黃冠蛻留古洞仙人遠鏡
對秋峰玉女寒他日相尋何處是半爐藥火九
還丹

徐惟和自燕歸馬季聲自閩至集余眞州
草堂分得深字

酒盡更殘燭影深天涯驚喜話同心十年踪跡
悲萍散三地風烟總陸沉山館暑收疎葛冷江
城月上刺桐陰還知會後無期別腸斷中宵鴻

鴈音

重贈季聲

公子虬鬚紫石稜新詩清逼玉壺冰身隨春鴈
辭閩海舟逐秋濤上廣陵雨過鑾江游載伎月
明蕭寺話尋僧荔支何似鱸魚美媿殺南冠老
季鴈

戊戌初度

一官流落客他鄉萬事驚心鬢欲霜馬長無勞
頻問齒猿啼空斷幾迴腸寒江風雨迷孤棹關

塞烽烟暗草堂百鍊只今成繞指且將心事付
滄浪

花燭詩贈顧所建小侯

甲第春深紫霧重風前竝蒂兩芙蓉香從明月
橋邊渡花向天台洞裏逢公子錦韉珠勒馬美
人金鏡玉盤龍合懽帳暖行雲夢知在巫山第
幾峰

蕪城懷古

夾城衰柳浪花浮猶憶當年帝子游螢火不知

金苑夕江聲空帶錦帆秋曲池灰盡銅駝泣寢
殿花飛玉腕愁二十四橋俱寂莫斷腸明月照
揚州

過隋宮

玉鉤金屋事淒涼夜夜愁雲過苑牆王氣已隨
歌舞盡山花猶作綺羅香宮城寒雨鳴黃葉輦
路悲風起白楊最是無情江上燕獨銜春色上
空梁

秋興二首

長風吹鴈近高樓
木落孤城雨未收
四海無家猶作客
一身多病又逢秋
隔江樹色通京口
出海潮聲過石頭
舊業荒蕪猿鶴散
已無清夢到滄洲

楓樹初丹一夜霜
歸心愁見鴈南翔
鬢如落葉驚秋候
身逐浮萍寄水鄉
澤國天高氛祲黑
遼陽日暗戰塵黃
十年戎馬孤臣淚
泣向西風憶建章

贈袁尚德山人

裘馬當年逐五陵風流河朔酒如澠一身作客
同孤月半世無家似野僧高隴麥黃朝射雉平
原草白夜調鷹千今老去機心息茶竈繩牀對
佛燈

九日登天寧寺浮圖留別真州諸子之新
安

木落孤城歸鴈遲它鄉雲物不勝悲江晴正是
登高日秋盡殊非作客時隔水山光浮埤堦半
空塔影落泉思風塵行役銷魂易莫把黃花當

柳枝

贈錢明府

吳興才子早名家，墨綬銀章白鼻騮。
年少鄴殘車上果，官閒裁遍縣中花。
鳩啼桑陌春衆傳鹿卧，苔堦晚放衙。
乞得黃山供吏隱，不辭雙袖滿烟霞。

雨中訪潘景升有芭堂賦贈兼訂黃山之

約

雨過空齋剌啄聞，客來知是武夷君。
劒從豐水

橋邊合袖自寒山寺裏分詩篋盡裝三竺月荷
衣猶挂九華雲相期明日黃山道踏破蓮花看
鶴羣

同吳元翰謝于楚潘景升步楊于寺外

半林返照暮烟平坐聽寒泉百道鳴古寺僧同
黃葉卧隔溪人在翠微行鴈衝遠浦孤雲影犬
吠空村落木聲樵唱漸歸山徑晚天都峰頂月
初生

山口旅次

霜摧宿莽滿郊原紅葉千林嘯斷猿溪路窮時
通竹徑亂山盡處見雲門寒流馬怯飛湍急午
食人爭野店喧自笑勞生塵土裏浮丘何日接
軒轅

朱砂庵

天開三十六芙蓉萬壑千崖紫霧重野客攀藤
探古洞道人憑几看秋峰藥苗採去常分鹿竹
杖攜來欲化龍爲問丹丘今在否可容雙屐一
相從

白龍潭

澗道層層濕翠微
綠苔紅葉滿秋衣
雲封古井丹何在
月照寒潭龍未歸
巖半水簾如雪落
風中石乳作花飛
我來拾得金光草
欲向山靈買釣磯

登丞相原

芒鞋竹杖薜蘿衣
叢棘初開一徑微
十里荒山僧竄盡
千盤棧道客來稀
風腥龍向茶潭起
雲暝仙從紫府歸
看遍蓮花三十六
玉笙吹徹晚

霞飛

新安客舍苦雨

搖落千山楓樹林
雨中燈暗夜沉沉
黑貂裘敝游人泪
紫燕梁空少婦心
載酒幾人能好事
杖藜盡日罷登臨
不如歸卧文園去
碎却臨邛綠綺琴

齊雲謁帝

上帝高居聳翠華
蒼崖畫壁動龍蛇
九天金闕千峰月
百道霓旌萬壑霞
地涌香鑪供法像
也

開藥臼護丹砂夜來鸞鶴歸何處落盡珠宮幾
樹花

石門寺登石橋巖

鞭石爲橋勢可憑遙天烟樹鬱層層懸崖路出
孤峰寺斷碣文埋半壁藤寒盡已無龍注水夜
深長有鬼依燈下山雨裏空回首幾片閒雲伴
野僧

雨中同顧靖甫潘景升登落石臺

山城野戍亂雲秋把臂真成汗漫游霧起埋深

千嶂色石崩壓斷半溪流渡頭新漲人依筏谷
口鳴鐘僧倚樓歸路征驂留不住風塵羞對白
沙鷗

落石臺題王文學夢雨齋

空齋黃葉雨蕭蕭落石臺孤四望遙半夜霜鐘
山下寺隔溪漁火竹邊橋窓窺野水寒將汙巖
結層陰午未消閒弄玉笙調白鶴御風誰得似
王喬

拜汪伯玉先生墓

異代堪悲鉢未傳獨披荒草訪遺編人間盟主
應何在地下脩文亦可憐松檜空棲王子鶴風
雲長護大夫阡只今石室藏書處猶有寒光夜
燭天

客中感懷

日暮風高雪欲飛客中寒殺薜蘿衣天涯見月
家何在失路依人計已非世事誰容東郭履宦
情終寄北山薇可憐江上蛾眉伴望斷城南五
馬歸

發新安再別諸子

斗酒城南怨落暉臨岐灑泪故人衣寒生旅館
難爲客家在他鄉不當歸半嶺瘴雲含雨濕大
江暮雪雜濤飛紅塵日日悲生事回首黃山願
已違

王百穀過訪旦卽別去留詩賦答

楓橋春盡出吳關江上重逢兩鬢斑良夜故人
看劒氣殘年少婦望刀環霜前鐘動南朝寺雪
裏帆過北固山日落剡溪歸榜急何人知是子

猷還

戊戌除夕謝于楚袁尚德諸子過集守歲
孤館淒涼不得眠椒盤華燭亦堪憐驚心衰鬢
當殘夜旅食他鄉又一年斷續鴈聲京口雪新
青草色秣陵烟相看俱是無家客愁見春歸梅
柳邊

答陸無從

春來伏枕怨靡蕪忽枉題緘問酒徒古調裁成
翻白苧新詩共許得驪珠雪殘鑾水寒梅發潮

落金山夜月孤寂冥千秋身後事肯將片石定
三都

贈戚不磷不磷爲王元美先生門下士以
訪江進之廷尉至眞州

臘盡江干雪載途翩然一棹發姑蘇不因廷尉
門前雀安得瑯琊屋上烏瓜步春雲隨杖屨秦
淮寒月共當壚莫嫌客舍貧愁日猶有驪龍照
乘珠

回文閨意

亭邊過鴈塞天遙目極晴樓倚細腰庭滿落花
春寂寂漏和寒雨夜蕭蕭青山遠共愁痕黛綠
柳纖同病態嬌瓶墮并空釵斷股屏雲冷絕縷
金銷

古別

金鞭寶馬玉蘭舟折盡垂楊送遠遊芳草遙迷
秦苑暮猿啼多傍楚山秋佳人有泪留湘水壯
士無情怨隴頭西去夕陽東逝海月明長照望
鄉樓

黃門行

黃門使者面如脂
宮錦新裁兩綬垂
領得鳳箋花下讀
牽來龍馬禁中騎
衣藏半袖君王斷
囊有名香侍女知
昨夜御園陪射柳
春寒重賜紫貂皮

河間道中

王程二月已三月
客路齊城復趙城
黃沙漠漠鴈羣去
芳草年年人獨行
關塞烽烟幾時定
村墟枹鼓還夜鳴
浮雲慘澹蔽白日
客子胸臆誰

能平

入都門

己亥歲

不到長安近十年孤臣此日泪潺湲
西山爽氣看猶在北極浮雲望可憐
三殿已非前甲子六街時見舊風烟
玉河橋畔新栽柳已作長條拂錦韉

茗中諸君見招得蕭字

飄蓬老去任風潮擊筑歌來破寂寥
孤客愁從燕市減舊遊魂向雪溪銷
風傳寒漏過丹禁柳

作晴花散玉橋惆悵不堪論往事岷山春盡草
蕭蕭

長安初夏偕沈仲潤太史袁中郎博士郊
行

春風弱柳正霏霏乍聽鶯聲出禁闌曙色漸分
三闕曉河流遙帶九城飛雲中彩節雙雙下馬
上紅粧緩緩歸日落西山絃管沸香塵吹滿薜
蘿衣

出長安

雨裏驪駒出 帝京春風芳草是王程十年已
作無家別五馬仍爲去國行漢闔豈容狂長孺
夷門還困老侯嬴潞河今夜扁舟夢猶逐鐘聲
繞鳳城

入東郡

十載西吳一敝裘分符今復向齊州潞河南去
沙填岸岱色東來雲滿樓當道豺狼方逐逐處
堂燕雀漫悠悠行藏只合從吾好悔下東山第
一一籌

贈漢陰令周君君楚人子宜謙時爲兗州

司李

十年書劍困蓬蒿詞賦空傳反楚騷佐縣久淹
騏驎足傳家自有鳳凰毛湘江草映新朱紱泰
岱雲裁戲彩袍聖主早收循吏績不妨隔坐
御屏高

葉進卿大史遷留都少宗伯過東郡不值

寄贈一首

青宮朝退捧黃麻五月彤雲擁傳車十載私家

無制草一時京轂有聲華
帆開楚水多秋雨
潮落瓜洲見暮霞
綺閣香臺俱寂寞
不須重問後庭花

雙旌南下渺難攀
千里相思一水間
郊望閒垂蒼玉佩
朝回卧對紫金山
秦淮夜火人多醉
蕭寺寒鐘僧未還
欲向烏衣尋舊業
憑君爲卜白雲關

登青州城

憑高風物易銷魂
霸業雄圖不足論
畫邑城西

雲欲盡穆陵關上日初昏地連渤海秋多雨山
接瑯琊夜有猿最喜青州老從事相逢盡日倒
芳尊

登岱十首

獨立蒼茫黯自愁天邊落木正逢秋片雲長自
依孤闕一氣誰能辨九州馬向吳門搖足練蜃
從滄海起層樓山河指點東南盡咫尺應同萬
里遊

疊嶂飛梯斷復連曉烟寒葉轉堪憐龍秋半向

蒼藤瀉鳥道翻從碧落懸敗碣莓苔餘漢字孤
松風雨自秦年尋真不覺仙源遠覓得丹丘息
萬緣

山半罡風吹竹冠洞前雲氣濕衣寒珠簾噴雪
三千尺石磴懸空十八盤禹服彈九天際盡汶
河衣帶掌中看漢家未欲論封禪檜栢森森太
乙壇

中天飛閣俯崔嵬吳越諸峰面面開錯落山形
皆北拱微茫海氣自東來秦皇驅石元無字漢

代祈靈漫有臺七十二君多勝事只今斜日照
蒼苔

芳草寒烟慘不舒更從何處覓仙居秦松漢柏
名空在玉檢金泥事已虛怪石盡經樵火斷古
碑半損俗人書憑高無限千秋意西北浮雲恨
有餘

紺殿朱宮敞碧霞樓臺縹緲玉真家鸞驂夜繞
三珠樹羽蓋朝迎七寶車天外金門馴虎豹雲
中絳節動龍蛇朝元歸去瑤池冷落盡水桃萬

樹花

半空星斗落前楹
月色霜華千里平
四壁烟嵐寒枕簟
幾家燈火隱山城
封中白見秋雲起
海底紅看夜日生
自分身如王子晉
平峰頂上坐吹笙

玉女池邊漏乍停
長風吹霧曉冥冥
金支翠羽無消息
石澗松濤不可聽
絕壑雲崩埋磴濕
半巖虹起觸衣腥
醉憑雙屐尋歸路
失却天門一點青

烟銷路轉翠重重洞裏花源別有峰
棧道初開惟傍竹上方乍遠不聞鐘
橋西斷柱從苔蝕石面殘經受水春
欲向山僧問遺事松關深處野雲封

登臨竟日意悠哉
祗恨秋城暮色催
回首天邊翠微寺
却驚身自白雲來
丹梯杳靄看還失
紫府虛無夢復回
早晚向平婚嫁畢
結廬應傍竹林隈

逢謝于楚

撫劒相看白髮生
高樓寒月鴈歸聲
逐臣有淚來東土
游子無家出北平
九月三河水欲合
孤城萬戶杵初鳴
如今四海風塵滿
去住無勞問世情

濟上同劉殿卿郡丞游杜陵池

高歌擊筑酒如澠
天末西風濟水寒
候鴈一聲秋嶂月
寒星數點夜船燈
池邊岸幘歸山簡
草裏殘碑吊杜陵
失路相憐且沉醉
坐看北斗拂觥稜

同劉殿卿登任城太白樓

李白客賀知章所今有兩公像

醉倚高樓俯大荒，憐才遠共賀知章。
東來山色全歸岱，北去河流半入漳。
平楚寒烟凝埤堦，中原落日動帆檣。
亦知信美非吾土，塞鴈關雲總斷腸。

寄沈伯含水部兼懷袁尚德山人袁時客

沈所

尚德善作雞鳴每爲之野雞盡鳴

平原春草綠萋萋，迷望斷衡陽鴈影西。
水部署中調舞鶴，山人坐上學鳴雞。
湘雲黛色浮官舍，漢

女紅粧滿大堤爲問征商多暇日幾迴醉向白
銅鞮

贈邢子愿侍御

衡門風雪冷芙蓉四壁圖書幾樹松十載繡衣
人避馬一時赤幟客登龍齋頭草榻和雲宿洞
口柴車有鹿從白雪樓空衣鉢遠羨君今已得
南宗

除夕前一日過歷下飲劉五雲孝廉宅

五馬東行盡日勞愁看千里半蓬蒿客中無計

留殘歲道左何人出濁醪積雪寒侵青玉几征
塵晴散紫花袍匆匆別去還相戀幾度春風首
獨搔

哭徐惟和二首

遺書揮泪強開緘脩短無從問季咸四海難容
雙白眼十年空老一青衫雨中蕉葉鳴新隴窓
外松枝偃舊巖惆悵高齋龍劍冷春來誰爲拭
塵函

俠骨昂藏亦可憐浪遊寧問杖頭錢黃金散盡

交知已白練書多乞少年舊業祇餘窓竹在新
詩空與世人傳依稀記得鑿江夜聽盡殘雞不
忍眠

春霽登光岳樓

殘雪初消綠水波客愁無賴且高歌春回郡郭
晴烟滿天近長安王氣多海上霞光連泰岱雲
邊樹色繞漳河故園兄弟空相憶芳草萋萋奈
若何

鄆城春日

東風開遠白楊柯寂寂空庭任雀羅鄉夢每從
江上去春光都在客中過城臨古渡逢人少門
閉殘燈聽鴈多一榻孤琴數行泪相思愁問夜
如何

題郇城郭中永山齋一首

功成去國逐滄浪郭外初開綠野堂風墮鶴翎
迷竹徑月將花影上書床石函半貯丹臺錄列
栢猶飛幕府霜野老有時爭席去何人知是郭
汾陽

秋色山光爽不勝
洞花巖樹鬱層層
池邊曲徑皆圍栢
并畔孤亭半倚藤
遠浦綠楊晴繫馬
古堤寒月夜歸僧
非熊早入明王夢
未許青門老邵陵

爲滋陽王題杜甫臺

落日高臺酒一樽
南樓東郡蹟仍存
天邊樹繞黃河曲
海上雲生岱嶽昏
楓杳寒聲二逕竹
微茫春雨萬家村
賓朋詞賦無虛日
未許千秋有兔園

題新蔡王池館

蘭沼新開別院東客來如在水精宮杯浮殘月
窺樓曲簾卷寒山落鏡中柳絮飛疑梁死雪荷
香分得楚臺風酒闌歌罷明河沒猶有驪珠照
乘紅

爲張大司馬得復官賦二首

有引

嘉靖甲寅閩張公經以大司馬總督閩廣浙
直軍務擊倭寇於王江涇大破之指授方略
尅期平賊適相嵩遣趙文華視師橫索賄賂

公獨不爲禮文華慙恚誣奏公出師逗撓逮
詣詔獄棄市妻子收屍藁葬無敢爲雪其
冤者萬曆己亥予從祖少司寇始率里中諸
公伏闕上疏下所司議得請復原官賜祭
葬贈謚云

一曲浮鳩戍壘空孤臣此日泣藏弓江潮猶帶
千秋恨海島誰憐百戰功龍去鼎湖冤未白馬
嘶京觀血猶紅于今論定人何在唯有啼鳥咽
雨中

閭闔初排詔下時重論往事不勝悲老臣身死
丹心在 聖主恩深朽骨知山鶴亂啼華表柱
海鯨猶避翠雲旗君看一夜西陵雨松檜新橫
向北枝

夏日喜顧所建小侯過訪

停船把臂暫從容脫幘真同阮嗣宗郡閣晝陰
容傲骨江城暑氣避談鋒盤中擘果調冰飲花
下彈棋載酒從日落河梁又分手相思空聽遠
山鐘

得徐興公書聞陳汝大陳子卿鄭性之相

繼物故

秋槐一葉落空庭驛使南來涕泪零四海山城
多夜燧一時詞客若晨星風塵閱世頭將白關
塞逢人眼未青獨有齊東留滯客年來蹤跡尚
飄萍

再哭惟和汝大諸子

當年羣從氣如龍把臂應同物外蹤載酒每邀
將落月尋僧時上最高峰出山小草真堪笑委

露朝花不可逢回首風流今頓盡病魂愁絕聽
鳴蛩

九月歷下

茅屋清霜向晚霏北平南國兩心違胡沙白草
鴈初去深院黃花人不歸濟水風生聞木葉
湖荷盡見漁磯寒城處處砧聲急客子誰憐未
授衣

送東郡李太守入覲

翩翩千騎望長安十二諸侯漢列官東岳晴雲

迎傳起西山春雪出朝看翠華曙色雙龍合紫
禁鐘聲五夜寒前席若逢明主問爲言齊魯
半凋殘

答子愿見懷之作

客舍初霜擁鹿裘黃榆白草不勝秋江城砧杵
寒偏急關塞烽烟遠未收鄉夢每隨南去鴈懷
人愁上最高樓一官牢落君休問竹榻書龕老
比丘

至日

蕭然四壁白綸巾十載功名歎積薪衰病喜逢
南至日風塵愁問北來人書拈秋水編初絕門
掩寒山業未貧冉冉歲華成底事夢灰空逐泪
痕新

送濟南沈太守入覲

連翩五馬五花紋一路飛霜送使君行李惟裝
鬱林石朝衣猶帶泰山雲帝城樹色先春見
御苑砧聲拂曙聞治行風流誰第一廷臣爭識
沈休文

庚子除日

更散庭空日落時，擁爐相對轉成悲。
年光欺客過偏速，春色驚寒到較遲。
稚子頻傾桑落酒，侍兒能唱竹枝詞。
頽然且向尊前醉，愁聽鐘聲報歲移。

辛丑元日

北地春光亦可憐，黃沙白草更淒然。
故園魂夢仍千里，客路風霜已十年。
雪色尚深無度鳥，柳痕未綠有寒烟。
欒槍暫落誅求盡，日夕看雲北

斗邊

贈蕭大年水部

風流文采太憑陵，建節荆門爽氣凝。
閣對梅花春作賦，河開瓠子午敲冰。
荒城古寺看雲到，霽雪寒山載酒登。
只隔盈盈衣帶水，相思一棹興難乘。

憶家

天涯愁別十年餘，夢遶城南水竹居。
人去又逢三月暮，鴈來不見一行書。
春深海市初收燭，雨

過江潮欲上
魚離恨艱難
常涕泪何心
更逐人
騶車

春日

芳草遊絲滿驛亭
春來中酒幾時醒
風傳簾外
新鶯語
雨浥牀頭
相鶴經
萬里關心
雙白髮
十年客路
一青萍
江湖魏闕
烟塵滿
鴻鴈南來
不忍聽

送蕭別駕轉河內郡丞

雙旌五馬發
二齊兩地分
符拜紫泥
官路斜連